

535

375

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za  
inspekcijske poslove



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for  
Inspection Issues

Broj: 14-02-49-01564/17

Datum, 20.4.2017.god.

Bosna i Hercegovina  
Federacija Bosne i Hercegovine  
**KANTON SARAJEVO**

PROJEKTOVANJE: 24-04-2017			
Organizaciona jedinica	Uprava za inspekcijske poslove	Redni broj	Broj priloga
61	OS	9791	

Bosna i Hercegovina  
Federacija Bosne i Hercegovine  
**SKUPŠTINA KANTONA SARAJEVO**  
**SARAJEVO**  
n/r, predsjedateljice, Prof. Ane Babić

**Predmet: Odgovor na zastupničko pitanje broj: 01-05-9791/17 od 27.03.2017. god. postavljeno od strane zastupnika Amela Mekića - dostavlja se**

Kantonalna uprava za inspekcijske poslove Kantona Sarajevo, dana 04.04.2017. god. zaprimila je akt Skupštine Kantona Sarajevo, kojim na dalje postupanje dostavlja zastupničko pitanje postavljeno od strane zastupnika Amela Mekića koje glasi:

1. Zašto se ništa ne poduzme za nedozvoljeno plakatiranje na površinama koje nisu predviđene za to. Apelujem da se pooštre mjere i da se više ne dozvoli obljepljivanje stubova za rasvjetu, zidova zgrada i td.
2. Svaki dan na obližnjim planinama oko Sarajeva niču nove nelegalne deponije, koje su najveće ruglo i koje ozbiljno narušavaju floru i faunu, kao i podzemne i površinske vode i zagađuju vazduh. Molim da mi se odgovori šta se konkretno poduzima po ovom pitanju?"

U vezi s postavljenim pitanjem dostavljamo slijedeći

## **ODGOVOR:**

Plakatiranje na nedozvoljenim površinama predstavlja nepoštovanje niza zakonskih i podzakonskih odredbi koje su donijete sa ciljem regulisanja stanja u ovoj oblasti, kao što su :

- Zakon o komunalnoj čistoći ("Sl.novine Kantona Sarajevo", br. 14/16 i 43/16
- Zakon o održavanju zajedničkih dijelova zgrade i upravljanju zgradom ("Sl.novine KS, br.3/12
- Odluke o prekršajima protiv javnog reda i mira, koje se donose na nivou Općina

Nadzor nad ovim propisima vrše različiti organi shodno zakonskim ovlaštenjima.



web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br. 1

a) Shodno čl. 63. Zakona o komunalnoj čistoći ("Sl.novine Kantona Sarajevo", br.14/16 i 43/16) kantonalna komunalna inspekcija vrši inspeksijski nadzor održavanja komunalne čistoće na javnim površinama.

Služba komunalnih redara KJKP "Rad" d.o.o. Sarajevo i KJKP "Park" d.o.o. Sarajevo shodno čl. 65. navedenog Zakona vrše neposrednu zaštitu komunalne čistoće u Kantonu Sarajevo na javnim površinama.

Shodno čl. 15 tačka j. Zakona o komunalnoj čistoći ("Sl.novine Kantona Sarajevo", br. 14/16 i 43/16) zabranjeno je plakatiranje bez dozvole i izvan mjesta određenih za te svrhe. Ukoliko inspektor po prijavi ili prilikom redovnog nadzora uoči navedeni prekršaj, te utvrdi ko je izvršioc prekršaja, protiv istog se poduzimaju zakonom predviđene upravne mjere, izdaje rješenje o uklanjanju nedostataka, te izriče novčana kazna.

Kazna za prekršaj lijepljenja plakata bez dozvole i izvan mjesta određenih za tu svrhu, shodno čl. 73. istog Zakona za pravno lice iznosi 1.500,00 KM, za odgovorno lice u pravnom licu 300,00 KM, za lice koje obavlja samostalnu djelatnost - obrt 500,00 KM i za fizičko lice 300,00 KM.

b) Kada govorimo o slučaju lijepljenja plakata po zidovima i fasadama zgrada, na površinama koje u skladu sa čl. 8. Zakona o održavanju zajedničkih dijelova zgrade i upravljanju zgradom ("Sl.novine Kantona Sarajevo", br. 3/12) spadaju u zajedničke dijelove zgrade, govorimo o površinama za čije održavanje je zadužen upravitelj zgrade u skladu sa čl. 35. istog Zakona. Nadzor nad radom upravitelja u skladu sa Zakonom vrši inspekcija u stambenoj oblasti pri Ministarstvu prostornog uređenja, građenja i zaštite okoliša Kantona Sarajevo.

c) U skladu sa odredbama Odluke o prekršajima protiv javnog reda i mira, koje se donose na nivoima općina, zabranjeno je lijepljenja plakata po zidovima i fasadama zgrada, pisanje grafita po istim.

Nadzor nad provedbom ovih odluka vrši nadležna policijska uprava. Kao primjer navodimo Odluku o prekršajima protiv javnog reda i mira na području Općine Ilidža od 2007. godine gdje je članom 5. stav 2. alineja c. propisana novčana kazna od 150,00 KM do 450,00 KM za lice koje piše grafite, lijepi plakate i drugi propagandni materijal po fasadama i ulazima zgrada, javnim prevoznim sredstvima, spomenicima, potpornim zidovima, reklamnim panoima i slično.

Kantonalna komunalna inspekcija ovom problemu pristupa savjesno i kontinuirano, iako ima veliki obim nadležnosti, a ograničen kapacitet (tri kantonalna komunalna inspektora). U cilju rješavanja problema lijepljenja plakata bez dozvole i izvan određenih mjesta u saradnji sa Službom komunalnih redara svakodnevno se vrše kontrole terena, te poduzimaju mjere i aktivnosti na sprječavanju činjenja prekršaja i sankcionišu prekršiocu ukoliko se isti utvrde.

Istovremeno, u cilju prevencije i poboljšanja u ovoj oblasti inspeksijskog nadzora, Kantonalna uprava za inspeksijske poslove Kantona Sarajevo je u prethodnom periodu putem sredstava



informisanja objavljivala apele i upozorenja građanima i drugim licima da ne vrše lijepljenje plakata na nedozvoljenim mjestima.

U prethodnoj godini komunalni redari su sačinili i dostavili komunalnoj inspekciji na dalje postupanje više od 100 službenih zabilješki/zapisnika sačinjenih na navedene okolnosti. Postupajući po istim, komunalni inspektori su pokrenuli 76 upravnih postupaka, odnosno djelovali rješenjima kojim je naloženo uklanjanje nepropisno postavljenih plakata. Po svim rješenjima je postupljeno u rokovima i na način utvrđenim u istom. Pored navedenog, pokrenuta su dva prekršajna postupka izdavanjem prekršajnih naloga.

Kako je prilikom inspeksijskih nadzora utvrđeno da je na području Kantona Sarajevo evidentiran mali broj mjesta namjenjenih za oglašavanje građana, ovaj inspektorat je o tome više puta informisao resorno ministarstvo i upućivao dopise prema općinama kako bi se povećao broj legalnih mjesta za oglašavanje.

Na osnovu dosadašnjeg iskustva smatramo da je u odnosu na prethodne godine pojava ovih prekršaja evidentno smanjena. Istovremeno, mišljenja smo da u narednom periodu i dalje treba raditi na poboljšanju stanja u ovoj oblasti, prvenstveno u smislu stvaranja zakonskih pretpostavki za promptno uklanjanje nepropisno postavljenih plakata odnosno uvrštavanje tih poslova u redovno održavanje čistoće neovisno od inspeksijskog postupka.

Na području Kantona Sarajevo registrovan je veliki broj divljih deponija kojima se ozbiljno ugrožava okoliš i zdravlje stanovništva. Ove deponije predstavljaju veliki problem u čije rješavanje se shodno nadležnostima uključuju kanton, općine, zavodi, nadležna komunalna preduzeća i nadležne općinske i kantonalne inspekcije.

Deponije se razlikuju po mjestu nastanka ( javne površine, zelene površine, korita rijeka, napušteni objekti, uz saobraćajnice, izletišta itd... ), po vrsti (komunalni otpad, građevinski otpad, miješani otpad, kabasti otpad, otpad od granja, elektronski otpad, ...), kao i po dinamici formiranja i rasta itd.

Obzirom da se deponije veoma brzo formiraju i brzo obnavljaju nakon čišćenja, one predstavljaju stalni problem kojem se mora pristupati kontinuirano. U skladu sa ovlaštenjima, zakonima i podzakonskim propisima inspektori Kantonalne uprave za inspeksijske poslove Kantona Sarajevo svakodnevno vrše nadzore po službenoj dužnosti i po prijavama građana. Inspeksijskim nadzorom su obuhvaćene deponije raznog otpada, komunalnog, građevinskog, deponovanje zemlje radi izmjene konfiguracije terena, nasipanje, kako na privatnim posjedima tako i na javnim površinama.

Kantonalna uprava za inspeksijske poslove Kantona Sarajevo ima otvorene telefonske linije i elektronsku poštu na koju svi građani Kantona Sarajevo mogu prijaviti nepravilnosti, probleme, zapažanja i zatražiti inspeksijski nadzor. Za sve osnovane prijave pokreće se i vodi postupak inspeksijskog nadzora, a podnosioci prijave se o rezultatima provedenog pismeno obavještavaju u zakonom predviđenom roku.



web: <http://kuip.ks.gov.ba>

mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151; 569-890

Sarajevo, Reisa Džemaludina Čauševića br. 1

Kantonalna uprava za inspeksijske poslove putem nadležnog inspektorata aktivno učestvuje u radu Kantonalnog odbora za upravljanje otpadom čije aktivnosti su vezane za provođenje Plana upravljanja otpadom Kantona Sarajevo 2015-2020 godine. Prema podacima kojima raspolažemo, KJKP "Rad" doo Sarajevo posjeduje ažurne evidencije o broju, vrsti i lokaciji deponija po svim općinama, a istim podacima naravno raspolažu i nadležne općinske službe.

Prema izvještaju KJKP "Rad" doo Sarajevo, evidentirana odlagališta se redovno ili po potrebi čiste ali postoje i problematične lokacije koje iz razloga nepristupačnosti nije moguće sanirati. Takođe postoji i evidencija lokacija koje se nalaze uz izletišta kao i evidencija lokacija koje se nalaze uz romska naselja

Kantonalna komunalna inspekcija, koja u skladu sa važećim propisima u skladu sa članom 7. Zakona o komunalnim djelatnostima ("Sl. novine Kantona Sarajevo" br. 14/16 i 43/16) vrši inspeksijski nadzor iz oblasti komunalnih djelatnosti čije obavljanje obezbjeđuje Kanton Sarajevo, a između ostalog održavanje čistoće na javnim površinama i održavanje javnih površina u periodu od 01.01. do 31.03.2017. god. na navedene okolnosti izvršila je 32 inspeksijska nadzora i pokrenula deset prekršajnih postupaka izdavanjem prekršajnog naloga kojom prilikom je izrečena novčana kazna u visini od 5.500,00 KM.

U vršenju inspeksijskog nadzora iz oblasti komunalnih djelatnosti inspektorima u vršenju inspeksijskog nadzora pomaže Služba komunalnih redara KJKP "Park" doo Sarajevo i KJKP "Rad" doo Sarajevo, koji obavljaju neposredan nadzor održavanja komunalne čistoće na javnim i javnim zelenim površinama. Isti prilikom uočavanja nepravilnosti na terenu, utvrđuju činjenično stanje, sačinjavaju službenu zabilješku ili zapisnik sa prekršiocem, nalazu otklanjanje nedostataka, odnosno dostavljaju inspekciji iste na dalje postupanje.

Ukoliko redari zateknu formiranu divlju deponiju na javnim površinama od strane NN lica, dužni su o činjeničnom stanju obavjestiti ovaj Inspektorat, odnosno istu prijaviti nadležnoj službi pri KJKP "RAD" doo Sarajevo kako bi se evidentirala i uklonila u narednom periodu. Ukoliko se prilikom nadzora utvrdi prekršilac, kantonalni komunalni inspektor postupa u skladu sa članom 15., stav 1., tačka t. Zakona o komunalnoj čistoći ("Sl. novine Kantona Sarajevo" br. 14/16 i 43/16), a kojim se propisuje da je zabranjeno odlaganje otpada na javnim površinama koje nisu predviđene prostorno-planskom dokumentacijom kao lokacija za deponovanje otpadaka, pokreće upravni postupak te nalaže mjere počinitelju prekršaja, odnosno izdaje prekršajni nalog.

U postupke inspeksijskog nadzora se po potrebi, u skladu sa nadležnostima i utvrđenim stanjem, uključuju i ostale kantonalne inspekcije kao što su inspekcija zaštite okoliša, inspekcija zaštite prirode, šumarska, vodna, sanitarna i tržišna inspekcija.

Timski nadzori su posebno bitni kada se radi o divljim deponijama na privatnim posjedima gdje se vrši odlaganje raznog otpadnog materijala, a odlaganje vrši vlasnik parcele odnosno treća lica po odobrenju vlasnika parcele, odnosno u slučajevima kada se formiraju otpadi koji funkcionišu na komercijalnoj osnovi.



Na kraju naglašavamo da u prethodnom periodu ovaj organ nije zaprimio prijave o formiranju novih nelegalnih deponija na okolnim planinama, te da ćemo, shodno sadržaju upita uvaženog zastupnika Amela Mekića, odmah pokrenuti postupke inspekcijskog nadzora, utvrditi stanje i poduzeti zakonom predviđene mjere.

U tom smislu, u cilju efikasnosti, bili bi nam korisni svi podaci vezano za lokaciju pomenutih nelegalnih deponija.

**Dostaviti:**

1. Predsjedateljici Skupštine KS
2. Sekretaru Skupštine KS
3. Sekretaru Vlade KS
4. Evidencija
5. Arhiva



**DIREKTOR**  
Henri Erduan Česir

